



MINISTÉRIO DA
AGRICULTURA
E PISCAS



Life *with* Forest

Jornal Vol. 1 / Hasai iha 2 / Maio 2017

Palestra ba Parceiru CB-NRM

Projeto JICA CB-NRM, Fase II organiza Palestra Parceiru CB-NRM iha fulan Marsu loron 9, 2017 iha Aula Konferencia MAP Comoro, participa hosi ema besik 100 participante hosi Ministeriu Diferente, Parceiru Desenvolvimento (DPs), Municipiu, ONG, Koncelho Bacias Hidrografikas, Media no seluk tan. Objetivu basiku mak atu introdus mekanismu CB-NRM ba parceiru sira hotu no inisia debate kona ba papel hosi mekanismu CB-NRM iha gestaun bacias hidrografikas.

Palestra ba parceiru sira nee rasik loke hosi Sr. Manuel Mendes hanesan Diretor Nacional ba DNFGBH iha tempo neba. Sr Mendes espika kaak Projeto JICA CB-NRM estabelese modelo konkreta hosi gestaun rekursu natural sustentabel baseia ba comunidade durante fase I, nebe bele habelar liu tan hosi DPs sira seluk. Realidade, DPs barak mak agora iha interesse iha implementa Planu Uja Rai Participatoriu (PLUP) hanesan pare hosi sira nia projeto no balun komesa hahu ona ho PLUP.



Apresentasaun Importante hosi Palestra ba parceiru sira

- Introdusaun hosi Projeto CB-NRM Fase II hosi Sr. Ippei Itakura, Chefi Assesor, Projeto CB-NRM
- Experiencia hosi HALARAE iha implementasaun CB-NRM hosi Sr. Bernardus Bolim, HALARAE
- Expetativa hosi Sociedade Civil kona ba CB-NRM ba NRM no Desenvolve Comunidade hosi Sr. Xisto Martins, RAEBIA
- Introdusaun Komisaun Tekniku Inter-Ministerial ba Gestaun Bacias Hidrografikas hosi Sr. Pascoal do Carmo, Chefi Gabinete Diresaun Geral Floresta, Kafe no Plantas Industrial
- Idea Jeral Hosi Projeto Parceiru Desenvolvimento (DPs) no ninia implikasaun hosi Sr. Manuel Mendes, Diretor Nacional DNFGBH
- Studu kaju hosi Koncelho Gestaun Bacias Hidrografikas Noru hosi Sr. Domingos Verdial, Presidente Koncelho Gestaun Bacias Hidrografikas Noru
- Papel no efetividade hosi CB-NRM iha gestaun bacias hidrografikas hosi Sr. Adelino Rojario, Chefi Departamentu Reforestasaun no Konservasaun Rai no Bee, DNFGBH



Assuntu no resulusaun Importante hosi Palestra

Participante sira iha palestra hatoo assuntu barak kona ba konservasaun floresta, degradasaun rai, erosaun iha area foho no seluk tan, inklui obstaklu bot oinsa bele muda komunitade sira nia hanoin, nebe agora dadauk iha sinceridade limitadu ba konservasaun notureja no floresta. Projeto CB-NRM hatudu ona resultadu balun iha mudansa komunitade nia hanoin tamba ho ninia approximasaun participatoriu, esforsu nebe la iha dependencia, involvement hosi parceiru barak. Obstaklu ba oin mak oinsa bele habelar liu tan iha rai laran liu hosi kolaborasaun ho parceiru sira seluk.

Komentariu Importante nebe hato hosi participante sira ba espansaun CB-NRM:

- ✚ Precisa halo peskija/studu kona ba impaktu hosi CB-NRM kona ba konservasaun rai, rekursu floresta no bee, nebe bele ajuda tau argumentu ba espansaun CB-NRM ho Ministeriu sira seluk no DPs;
- ✚ DPs bele iha instituisaun nebe atu promote CB-NRM iha Municipiu seluk hodi kria modelo demonstrasaun maibe sira precisa atu servisu ho MAP Municipiu hodi mantein esfrsu maske depois sira nia projeto; no
- ✚ Precisa involvementu hosi Ministeriu sira seluk/Departamentu hosi Nivel Nasional no Municipiu atu nune bele halo espansaun ba CB-NRM.

Durante iha appresentasaun kona ba CB-NRM, palestra nee mos introdus Komisaun Tekniku Inter Ministerial nebe mak foin estabese kona ba Gestaun Bacias Hidrografikas. Iha espetativa barak hosi komissaun kona ba esforsu koordinasaun iha floresta no gestaun bacias hidrografikas. Iha nivel local, Koncelho Gestaun Bacias Hidrografikas estabese ona iha Bacias hidrografikas Noru no Raumoco atu iha esforsu koordinasaun ho autor diferente. Apresenta mos objetivu no funsaun hosi koncelho. Diskussaun entre participante sira precisa iha matadalan official hodi forma koncelho gestaun bacias hidrografikas iha nivel lokal.

Iha ikus hosi Palestra nee, Sr. Hikoyuki Ukai, Representante JICA Timor-Leste apprecia tebes esforsu hosi MAP no DPs, no hatoo katak precisa iha koordinasaun entre parceiru sira hotu nebe servisu iha floresta no gestaun bacias hidrografikas ho rekonhecementu hosi MP nebe iha funsaun importante atu diriji ho diak. Nia mos komenta katak hahu ho diskussaun kona ba metodolojia kona ba mekanismu CB-NRM nebe karik sei la favorese ba komunitade sira, tamba nee tengki hatudu mudansa posetivu balun nebe bele motive komunitade sira atu aprende kona ba assuntu ambiente no oinsa atu maneij rekursu rasik.

Halao Vijita ba Fadabloco

Hanesan parte ida hosi Palestra Parceiru CB-NRM, organiza mos vijia ba Fadabloco iha fulan Marsu, loran 10, 2017 atu komprende diak liu efetividade hosi mekanismu CB-NRM nebe implementa hosi Projeto JICA CB-NRM durante fase I. Paricipante liu hosi 40 hanesan hosi MAP, DPs, no ONG halo enkontro ho komunitade no vijita toos diferente (teras banku, kontur kompos, halo kompos, prepara adubu ben no seluk tan.), no produsaun kripik aifarina hosi grupo feto. Antes remata enkontro iha diskussaun ho komunitade iha suku kona ba observasaun no duvidas balun durante vijita. Leader suku hato mesajen katak sira susesso tamba iha servisu koletivu no transparensia iha servisu. Grupo feto sei continua ninia esforsu, mase la hetan supporta ruma hosi RAEBIA ou ajencia seluk, tambe membro sira hatene tekniku no abilidadade no organija diak.



Planu Participatoriu Uja Rai (PLUP)

Projeto laos remata iha PLUP iha Fahisoi (Liquidoe), Fahisoi (Remexio) no Fatisi (Laulara). Regulamentu suku nebe finalija depois konsultasaun iha nivel aldeia no agora komunitade sira hetan assitencia atu organija cerimonia Tara Bandu. Fase segund hosi OJT hahu ona iha Maio 29, 2017 no PLUP agora komesa fali ona iha Suco – Cotelau (Laulara), Maumeta (Remexio) no Manucasa (Liquidoe).

DPs no ONG Lokal iha Fase segunu OJT kona ba PLUP

- Projeto UNDP – DARDC
- USAID– Projeto Avansa Agrikultura
- Conservation International
- MAHARU, CVTL, HADEER, OHM, PROSPEK, CIACS, IMI, MALAEDO

Programa Mikro

Depois kompleta tiha PLUP, implementasaun programa mikro (Promosaun toos foho lon - SUFP) hahu ona iha Fahisoi (Liquidoe), Fahisoi (Remexio) no Fatisi (Laulara). Projeto assiste komunitade sira atu forma grupo beneficiariu iha kada aldeia hosi Suco, orienta sira kona ba sira nia dever no responsabilidade, no organija vijita ba suku iha projeto fase I atu hare demo plots, teras kontur, halo kompos, aplikasaun kontur kompos no seluk tan. Depois de vijita, hili fain ba demplot iha kada aldeia. Projeto mos assiste parceiru ONG atu prepara planu servisu annual ba kada suku atu implementa programa mikro.

Implementasaun hosi programa mikro fornese oportunidade ba servisu estensaun atu participa iha On the Job Training (OJT) atu hetan konhecementu no abilidade pratika ba toos foho lon sustenabel. Treinamentu iha toos lao besik tinan ida (Maio 2017 to Marsu 2018), nebe treinamentu nee sei halao lon 1-2 kada semana iha suku target kobre topiku hanesan tuir mai:

- Kompos (preparasaun, manutensaun, no aplikasaun)
- Tekniku konservasaun rai (delinesaun kontur uja ai maenek, kontur kompos no teras banku.)
- Hili ai han, hili fini no kuda iha toos foho lon (hanesan batar, koto no fehuk midar)
- Adubu oraniku ben (preparasaun no aplikasaun)
- Kuda legume hodi kobre rai
- Halo animal nia luhan
- Jesaun post koileta inklui rai fini

ONG local iha OJT kona ba Programa Mikro

- OHM
- PROSPEK

OJT iha Programa Mikro hahu iha Maio 03, 2017 ho participante hosi MAP (staff tekniku no offias eksensaun hosi MAP Aileu no staff tekniku hosi DNFGBH), no ONG local. Agora dadauk participante tuir ona treinamentu kona ba preparasaun kompos no delinasaun lina kontur uja formatu A.



Planu Assaun kona ba CB-NRM

Desenvolve planu assaun ba espansaun mekanismu CB-NRM mak resultadu importante ida hosi Projeto Gestaun Rekursu Naural Sustentabel Baseia ba Komunitade iha Fase II. Planu assaun sei sai dokumentu official MAP atu guia ninia staff ba iha gestaun floresta sustentabel no rekursu natural seluk iha bacias hidrografikas importante iha rai laran. Ekipa servisu offiialmente forma ona ho instrusaun hosi Diretor Geral, DGFCPI iha Maio 3, 2017. Ekipa iha representante hosi Diresaun Nasional tolu hosi DGFCPI (DNFGBH, DNCN, DNCPI). Enkontro ba dala tolu hosi ekipa servisu halao iha Maio 12, 2017 atu diskuti esbosu planu servisu hosi ekipa servisu no processo nebe sei tuir. Official MAP nain sia no membro projeto CB-NRM nain rua participa iha enkontro. Planu servisu no horariu nebe finalija ho input hosi membro sira. Planu assaun mak sei sai planu bot/master plan ba tempo naruk ba gestaun sustentabel hosi bacias hidrografikas importante iha Timor-Leste uja mekanismu CB-NRM, nebe tengki tuir stratejia no planu operasaun MAP no bele refere hanesan base hosi planu annual hosi diresaun nasional relevante iha futuro. Enkontro tuir mai hosi ekipa servisu sei halao iha Julho 2017 atu analija parceiru sira hosi CB-NRM no jestaun bacias hidrografikas. Antes enkontro membro sir abele kolekta dados kona ba intervensaun planu kona ba CBNRM no gestaun bacias hidrografikas hosi sira nia departamentu no mos hosi diresaun sira seluk iha MAP nia okos. Projeto mos sei ajuda ekipa servisu iha analija parceiru sira. Membro Ekipa Projeto CB-NRM mak konesan ho DP sira seluk atu kolekta informasaun kona ba sira nia projeto nebe esiste no hirak nebe mak sei mai, no esplora possibilidade ba kolaborasaun atu implementa CB-NRM.



Atividade hasae Vida Moris

Durante fulan Maio 2017, Peritus hosi Projeto CB-NRM organija programa treinamentu ba comunidade no saff hosi DNFGBH MAP no ONG Nasional (RAEBIA no Halarae) kona ba kultivasaun kulat. Programa treinamentu nebe halao iha Fahisoi (Liquidoe), Fahisoi (Remexio) no Fatisi (Laulara) atu ajuda comunidade identifika varidade diferente hosi kulat, koileta no tekniku rai. Treinamentu kona ba kultivasaun kulat inklui transfere abilidade kona ba uja blok, produsaun hosi fini no seluk tan. Nomos kultivasaun kulat, programa treinamentu nebe halao ba comunidade ba iha suku nebe mensiona atu produs sirup sabraka, sirup pomelo, rebecado.



Eventu tuir mai

- Ceremonia Tara Bandu iha suku tolu iha Julho 2017
- Enkontro ho ekipa servisu kona ba Planu assaun iha Julho 2017
- Treinamentu kona ba delinasaun kontur uja ai matenek iha Julho no Augustu 2017
- Treinamentu kona ba kultivasaun kulat no processsa ai han iha Nov 2017

Informasaun detailho, bele kontaktu mai iha:-

MAP/ Projeto JICA ba Gestaun Rekursu Natural Sustentabel Baseia ba Komunitade Fase II

Edeficiu: Edificio Floresta, Rua Caicoli, Dili, Timor-Leste
Tel / Fax: +670-333-1125

Follow us on  @JICATimorLesteCBNRM

